

Bosna i Hercegovina  
Federacija Bosne i Hercegovine  
Kanton Središnja Bosna/  
Srednjobosanski kanton  
Općina Fojnica  
Načelnik općine

Broj: 02-11-983/26  
Fojnica, 13.05.2026. godine

Na osnovu člana 15. Zakona o načelima lokalne samouprave u F BiH ("Sl. novine F BiH" broj: 49/06 i 51/09), člana 39. Statuta Općine Fojnica (Službene novine Općine Fojnica broj: 2/15), u skladu sa Odlukom o proglašenju stanja prirodne nepogode uzrokovane obilnim padavinama na području općine Fojnica broj: 09-40-1755/24 i Odlukom o raspodjeli i načinu utroška finansijskih sredstava dodijeljenih Općini Fojnica od strane Vlade Federacije BiH za saniranje posljedica štete od poplava broj : 01-04-859-16/26 od 28.04.2026. godine, Načelnik Općine Fojnica objavljuje:

**Javni poziv  
za podnošenje prijave za pomoć fizičkim osobama za saniranje  
posljedica materijalne štete nastale na stambenim i drugim  
objektima te materijalnim dobrima, uzrokovane poplavama na  
području općine Fojnica**

**I – PREDMET**

Predmet ovog Javnog poziva je dodjela finansijskih sredstava fizičkim osobama za saniranje posljedica materijalne štete na materijalnim dobrima, stambenim i ostalim objektima uslijed poplava na području općine Fojnica.

**II – PRAVO NA PODNOŠENJE PRIJAVE**

Na Javni poziv mogu se prijaviti samo fizičke osobe koje su pretrpjele štetu u poplavama 04.10.2024. godine na području Općine Fojnica, a evidentirane su u Elaboratu o štetama koji je usvojen na Općinskom vijeću Fojnica.

Na Javni poziv ne mogu se prijaviti fizičke osobe koje su primile pomoć od drugih nivoa vlasti, organizacija, udruženja i drugih pravnih lica u ukupnom iznosu većem ili jednakom iznosu procijenjene štete.

Fizičke osobe koje su obuhvaćene programima izgradnje ili potpune rekonstrukcije stambenih objekata stradalih u poplavama nemaju pravo prijave na ovaj Javni poziv.

### III – FINANSIJSKA SREDSTVA ZA REALIZACIJU

Ukupan iznos finansijskih sredstava za realizaciju Javnog poziva je **1.000.000,00 KM**.

### IV – NAMJENA I CILJ

Prihvatljivim troškovima se smatraju troškovi čiji je cilj saniranje nastalih posljedica od poplave i to nastale štete koje su prijavljene na obracima za prijavu štete od posljedica prirodne nesreće (građevinski materijal, stolarija, kućanski aparati, vanjsko uređenje, i svi drugi troškovi koji su vezani za otklanjanje posljedica nastalih od poplave).

Neprihvatljivim troškovima smatrat će se troškovi nastali prije dana nastanka štete od poplave, dana **4.10.2024.godine**.

Visina odobrenih sredstava po korisniku utvrdit će se proporcionalno stepenu preostale nesanirane štete i raspoloživim finansijskim.

### V – KRITERIJI ZA OCJENU

**Kriterij za ocjenu pristiglih prijava:**

1. Visina iznosa pretrpljene štete na imovini fizičkih osoba, a na temelju Izvještaja o procijenjenoj šteti od poplava na području Općine Fojnica,
2. Visina primljene pomoći od drugih nivoa vlasti, organizacija, udruženja i drugih pravnih ili fizičkih osoba.
3. Visina štete koja će biti sanirana izvođenjem građevinskih radova od strane drugih organizacija, udruženja i drugih pravnih i fizičkih osoba.

### VI – DOKUMENTACIJA I NAČIN PODNOŠENJA PRIJAVA

Uz prijavu na Javni poziv fizičke osobe dužne su popuniti prijavni obrazac koji se nalazi u prilogu ovog Javnog poziva, te uz isti dostaviti sljedeće Dokumente:

- Kopija lične karte, ili drugi lični dokument sa slikom (pasoš),
- Potvrda o broju transakcijskog računa fizičke osobe,
- Potpisanu i ovjerenu izjavu o namjenskom utrošku sredstava (izjava se nalazi u prilogu Javnog poziva),
- Potpisanu i ovjerenu izjavu da je primio/da nije primio pomoći od drugih nivoa vlasti, organizacija, udruženja i drugih pravnih lica (izjava se nalazi u prilogu Javnog poziva).

Svi Dokumenti moraju biti dostavljeni u originalu ili ovjerenoj kopiji. Prijavni obrazac i izjave mogu se preuzeti i na Info pultu Općine Fojnica, gdje se iste, nakon popunjavanja i ovjeravaju. Prijave koje ne sadrže svu potrebnu dokumentaciju navedenu u Javnom pozivu bit će odbačene i neće biti predmet daljnjeg razmatranja Komisije. Prijave sa potrebnom dokumentacijom dostavljaju se lično na protokol općine Fojnica ili putem pošte na adresu:

**OPĆINA FOJNICA**

**Ul. Bosanska 94, 71270 Fojnica**

**"Prijava na Javni poziv za pomoć fizičkim osobama za saniranje posljedica od poplave na području Općine Fojnica"**

## **VII – ROK ZA PODNOŠENJE PRIJAVA**

Krajnji rok za podnošenje prijave je 15 (petnaest) dana od dana objave Javnog poziva na web stranici Općine Fojnica odnosno do 27.05.2026. godine.

## **VIII – KOMISIJA**

Općinski načelnik imenuje Komisiju koja će razmatrati pristigle prijave i sačiniti Preliminarnu listu o izboru korisnika sredstava. Komisija će koristiti podatke iz službene evidencije Općine Fojnica o visini iznosa pretrpljene štete na imovini fizičkih osoba, a koristit će i prikupljene podatke o visini primljene pomoći i visini štete koja je i koja će biti sanirana izvođenjem građevinskih radova na stambenim objektima od strane drugih nivoa vlasti, organizacije, udruženja i drugih pravnih lica.

## **IX – REZULTATI JAVNOG POZIVA**

Preliminarni rezultati Javnog poziva objavljuju se na web stranici Općine Fojnica, radi eventualnog ulaganja prigovora u roku od 8 (osam) dana od dana objave preliminarnih rezultata. Sa korisnicima sredstava, Općinski načelnik zaključit će ugovor o implementaciji odobrenih sredstava.

Prilikom zaključivanja ugovora o implementaciji odobrenih sredstava korisnici sredstava su dužni dostaviti KK izvadak ili ZK izvadak.

Korisnici dodijeljenih sredstava dužni su ista koristiti namjenski za sanaciju štete i dostaviti Općini Fojnica dokaz o utrošku sredstava (fakture, fiskalne račune, bankovne izvode i druge odgovarajuće dokaze). Troškovi koji nisu u vezi sa sanacijom štete neće se priznati.

## **X - IZBOR KORISNIKA FINANSIJSKIH SREDSTAVA I NADZOR NAD KORIŠTENJEM SREDSTAVA**

Izbor korisnika sredstava vrši se u skladu s kriterijima utvrđenim Odlukom o raspodjeli i načinu utroška finansijskih sredstava dodijeljenih Općini Fojnica od strane Vlade Federacije Bosne i Hercegovine za saniranje posljedica štete od poplava broj 01-04-859-16/26 od 28.04.2026. godine.

Općina zadržava pravo odbiti sufinansiranje prijave fizičkih osoba, ako utvrdi da je podnositelj prijave u postupku prijave dao lažne ili netačne podatke. Nakon donošenja Odluke o izboru korisnika Općinski načelnik sa korisnikom sredstava potpisuje ugovor o implementaciji odobrenih sredstava kojim se obavezuje na namjensko trošenje istih.

U svrhu pravdanja sredstava, korisnik je dužan dostaviti fiskalne račune za prihvatljive troškove koji nisu stariji od 4.10.2024.godine, zajedno s fotodokumentacijom koja potvrđuje izvršene radove i sanaciju štete.

Općina Fojnica će izvršiti provjeru korištenja odobrenih sredstava, te od korisnika kod kojih se prilikom kontrole utvrdi nenamjensko trošenje sredstava, zatražiti povrat dodijeljenih sredstva u roku od 8 (osam) dana od dana zahtjeva davaoca sredstava.

#### **XI - OSTALE NAPOMENE**

Nepotpune, neblagovremene i neuredne prijave neće se uzeti u razmatranje. Sve dodatne informacije mogu se dobiti svakim radnim danom putem telefona: 030/547-719.



**OPĆINSKI NAČELNIK**

Sabahudin Klisura dipl. ing